



Shirinbek NURBOEV,

Jizzax davlat pedagogika universiteti o'qituvchisi

E-mail: shirinbek@mail.ru

Pedagogika fanlari doktori, dotsent M.Kuychiyeva taqrizi asosida

THE PRINCIPLE OF SYSTEMATICITY IN STUDYING FOLK EPISTLES

Annotation

The article describes the principle of systematicity in the study of folk epics such as "Ravshankhan" in the 7th grade and "Kuntug'mish" in the 8th grade. In addition, the content of the questions and assignments in the textbook is analyzed, in this regard, the students' mastery of the subject and the relevant knowledge, skills and comments that will help in the formation of skills are given.

Key words: Epic, complex, criterion, artistic image, pedagogical principle, didactic principle, folklore studies, epic school.

ПРИНЦИП СИСТЕМНОСТИ ПРИ ИЗУЧЕНИИ НАРОДНЫХ ПОСЛАНИЙ

Аннотация

В статье освещен принцип системности при изучении таких народных эпосов, как «Равшанхан» - в 7 классе, и «Кунтугмиш» - в 8 классе. Кроме того, анализируется содержание вопросов и заданий в учебнике. Предоставляются комментарии, которые помогут студентам освоить предмет и развить соответствующие знания, умение, и навыки.

Ключевые слова: Эпос, комплекс, критерий, художественный образ, педагогический принцип, дидактический принцип, фольклористика, эпическая школа.

XALQ DOSTONLARINI O'RGANISHUDA TIZIMLILIK TAMOYILI

Annotatsiya

Maqolada 7-sinfda "Ravshanxon" va 8-sinfda "Kuntug'mish" kabi xalq dostonlarini o'rganishdagi tizimlilikni tamoyili yoritilgan. Shuningdek, darslik-majmuadagi savol-topshiriqlarning mazmun-mohiyati tahlil etilgan, bu borada o'quvchilarining mavzuni o'zlashtirib olishlari va tegishli bilim, ko'nikma va malaka hosil qilishiga amaliy yordam qiladigan mulohazalar berilgan.

Kalit so'zlar: Doston, majmua, mezon, badiiy obraz, pedagogik tamoyil, didaktik tamoyil, folklorshunoslik, dostonchilik maktabi.

Umumta'lum maktablarining adabiy ta'limalda tizimlilik tamoyili xalq dostonlarini bosqichma-bosqich (sinflar kesimida) izchil o'rganishga, o'quvchilarning bilim olish va mantiqiy fikr lash faoliyatini yaxshilashga xizmat qiladi, o'zlashtirish jarayonini yengillashtiradi. Har bir sinfning darslik – majmuasida avvalo, o'rganilayotgan dostonlardan muayyan parchalar hamda mazkur dostonlarning ilmiy-nazariy tahlili berilgan, so'ngra tegishli savol –topshiriqlar bilan ta'minlangan.

Xalq dostonlarini o'rganishga bag'ishlangan savol-topshiriqlar mazmun-mohiyatiga ko'r asar matni ustida mustaqil ishlash orqali javob berishni talab qiladi. Adabiy ta'limning bosh mezonlaridan biri –asar (doston) mohiyatini o'zlashtirish, buning uchun har bir o'qituvchididan eng avvalo, darslikda berilgan va mustaqil o'qishga tavsiya etilgan matn bilan ishlashni talab qiladi. Darsliklarda berilgan savol-topshiriqlarning aynan shu nuqtai-nazardan tuzilganligi maqsadga muvofiq, lekin asosiy gap shundaki, ularning oson yoki qiyinligi, oz va ko'pligi, eng muhimi, mazmun--mohiyati sind o'quvchilarining yoshi va saviyasiga mos kelishi yoki kelmasligi alohida ahamiyatga ega. Bu borada bizning ayrim mulohazalarimiz tadqiqot ishini olib borishda, ularning tajriba-sinovlarini yakunlashda ayon bo'ldi. Ulardan ayrimlarini berishni lozim topdi.

7-sinfning adabiyot-majmua darsligida[1] Ergash Jumanbul o'g'li kuylagan "Ravshan" dostonidan parcha matni (132-160-betlar) yuzasidan 28ta , u haqidagi adabiy –nazariy tushunchalar bo'yicha ikkita savol-topshiriq berilgan. O'quv dasturida 19-21 mavzu asosida mazkur dostonni va "Badiiy obraz va mubolag'ali tasvir" mavzusini ham birgalikda o'rganishga boryo'g'i uch soat ajratilgan, xolos. Bizning nazarimizda, berilgan mazkur uch soat davomida va jami 30 ta savol-topshiriqlarga tegishli javoblar tayyorlash va ularni o'zlashtirib olish, izohlabilish uchun ,nafaqat 7-sinf o'quvchisi, balki pedagogika oliv ta'lim muassalarining filologiya fakulteti talabasidan ham bir necha soat vaqt talab etadi. Shunday ekan, maktab o'quvchisi qanday qilib darslikda berilgan o'quv topshiriqlarni 3 soat davomida bajar oladi? yoki ularni talab darajasida o'zlashtiradi, -degan haqli savolning tug'ilishi tabiiy. Bu yerda gap birinchidan, savol-topshiriqlarning ko'p miqdordaligi bo'lsa ikkinchidan,

ularning sodda va murakkab darajasida ekanligida borayapdi. Agarda ularning mazmun- mohiyatiga e'tibor qilinsa, ayrim savol-topshiriqlar mantiqan qiyin va murakkab holda tuzilganligi ayyon bo'ladi, bularga tegishli javoblar tayyorlash uchun mabtob o'quvchisi biroz bo'lsa-da qiyonalishadi va uni muvaffaqiyatlari bajarish uchun anchayin ko'p vaqt talab etadi. Xususan, 22-savol: Hasanxonning jangga kirish oldidagi holatidan mubolag'ali tasvirini toping va mubolag'aning shu o'rindagi badiiy vazifasini tushuntiring. U Hasanxonning ayni paytdagi ruhiy holatiga qanchalik mos kelishimi izohlang? va boshqalar shular jumlasiga kiradi.

Darslik-majmuada berilgan savol-topshiriqlarning hammasini to'liq va muvaffaqiyatlari bajarilishi o'quvchilarining mavzuni to'liq o'zlashtirib olishlari va tegishli bilim, ko'nikma va malaka hosil qilishiga olib keladi. Lekin bu yerda adabiyot fani o'qituvchisining o'rni alohida: eng avvalo, o'qituvchidan yuksak pedagogik mahorat egasi bo'lishni va fan asoslarini puxta o'zlashtirib olganlikni ham talab etadi. Agarda buning aksi bo'lsa, shogirdlarining mavzuga qo'yilgan vazifalarini to'liq bajara olmasligiga va ularning o'zlashtirish natijasi past darajada bo'lishiga asosiy sababchi bo'ladi.

Ikkinchidan esa darslik majmuida berilgan savol-topshiriqlarni oz ko'pligi yoki mazmun-mundarajasiqagini emas, balki ularda 7-sinf o'quvchilarining yosh xususiyatlari va ruhiy holdatli ham inobatga olinishi shartki, bunday pedagogik-didaktik tamoyillarga amal qilmaslik berilgan adabiy materiallarni o'zlashtirmaslikka olib keladi. Shu nuqtai nazardan qaranganda, ayrim o'rinalarda bu pedagogik mezonga unchalik yaqinlashmagan. Masalan, darslik-majmuidagi birinchi savol mazmuniga e'tibor qilaylik. Unda "Ravshanbekning Gulangorga munosabatini haqiqiy sevgi deyish mumkinmi?". Matnga tayanib fikr bildiriting", deyiladi.

Nazarimizda "haqiqiy sevgi"dek muqaddas va nozik tuyg'uni qalbdan his qilish, uning sir asrorlaridan hali bexabar bo'lgan, endigina balog'at yoshiga borayotgan 7-sinf o'quvchisi bunday tarzdagi savol-topshiriqlarga javob berishga ruhan va jismongan tayyor emas. Qolaversa, "Matnga tayanib fikr bildiriting" kabi topshiriqlarning berilishi matndagi mantiqiy izchillikni

mutlaqo ochib bera olmaydi. Buning sababi shuki, 7-sinf o'quvchisidan fikr bildirish so'rallyapti. Vaholanki, o'quvchi fikr bildirish uchun faqatgina berilgan matnning o'ziga emas, balki uning tagzamini dagi ma'no yuzasidan ham mustaqil mulohazaga ega bo'lishi kerak. Buning uchun eng avvalo, o'quvchining yosh xususiyati, mos va ijtimoiy-m'a'naviy dunyoqarashi yuksak darajada bo'lmog'i darkor. Aytilgan mulohazalardan kelib chiqib, shuni alohida ta'kidlamoqchimizki, umumta'lim mакtablarining adapbiyat fani bo'yicha yaratilgan darlik va darslik majmualarida 7-sinf o'quvchilar o'zlashtirishi zarur bo'lgan bilimlar, tushunchalar yuzasidan tuziladigan savol-topshiriqlarni o'quvchilarning yosh xususiyatlari, bilim darajalari muayyan mezon sifatida hisobga olinishi, adapbiy ta'limdagi ilmiylik, mantiqiy izchillilik, tizimlilik kabi ta'limiy-didaktik tamoyillarga alohida e'tibor va qat'iy rivoja etilishi ta'qozo qilinadi.

8-sinf "Adabiyot"[2] darsligiga murojaat qilsak, unda Ergash Jumanbulbul o'g'lidan yozib olingan "Kuntug'mush" dostonidan parcha – matn (13-40-betlar), "Xalq og'zaki ijodi" ruknida "Kuntug'mush dostoni haqidagi" va "Nazariy ma'lumot" ruknida "Ishqiy-qahramonlik dostonlari" kabi maqolalar berilgan. Ko'ramizki, mazkur darslikda dostondan muayyan parcha – matn va ularning tahlili bilan birga folklorshunoslikka oid nazariy ma'lumotlarning berilishi, eng avvalo, ilmiy-nazariy, umumididaktika asosida metodik jihatdan muayyan tizimlilik va izchillilik tamoyillariga amal qilinganligini ko'rsatadi.

Mazkur darslikdagi "Kuntug'mish" dostoni hamda ishqiy-qahramonlik dostonlar haqidagi nazariy ma'lumotlarni o'zlashtirib olishi, qolaversa, berilgan parcha-matndagi epik tavsiotlarni o'quvchilarning bilib olishlari uchun 22 ta savol-topshiriqlar tavfsiya etilgan.Ularning hammasida asosiy e'tibor o'quvchilar doston haqidagi ma'lumotlarni yana chuqurroq tushunturishga qaratilgani, bular ularning bilim darajasini yanada boyitida va rivojlanadiradi. Berilgan savol-topshiriqlarni shartli ravishda quyidagi guruhlarga ajratilsa, ularning naqadar keng qamrovga ega ekanligini tasdiqlaydi.

1.Xalq dostonlari va ularning o'ziga xos xususiyatlari, dostonchilik mакtablari va ijrochilariga daxldor savol-topshiriqlar. Masalan, "Xalq dostonlari haqida nimalarni bilasiz?"; "Dostonchilik mакtabini yaratgan qaysi mashhur baxshilarni bilasiz?"; "Dostonchilik mакtablari qachon paydo bo'lgan va qaysi asr uning juda rivojlangan davri bo'lgan?"; "Yurtimizda dostonchilikni rivojlantrish, baxshilar ijodini qo'llab quvvatlash uchun nima ishlar qilinyapti?"; "Ishqiy-qahromonlik dostonlar deganda qanday asarlarni tushunasiz?"; "Ishqiy-sarguzasht va ishqiy-qahramonlik dostonlarining farqi nimada ekanligini tushuntiring"; "O'zbek dostonlarining yakunlovchi qismiga xos xususiyat nima?" va hokozolar shular jumlasiga kiradi. Bunday savol-topshiriqlar o'zining mazmun-mohiyatiga ko'ra, xalq og'zaki ijodiga oid tegishli ma'lumotlarni bilib olishga, ayni paytda, xalq baxshilari va baxshichilik san'ati bo'yicha O'zbekiston Prezidentining tegishli farmonlari, Vazirlar Mahkamasining shu yo'nalihsiga oid qarorlari bilan habardor bo'lishiga, qolaversa, baxshichilik san'ati mакtablaringin ma'naviyatimiz tarixida, hozirgi davr ta'lim tizimida qaydarada muhim o'rinn tutganligini bilib olishlariga amaliy yordam beradi.

2.Ona tili fanidan olingan bilimlarni mustahkamlashga va doston matni asosida rivojlantrishga yo'naltirilgan savol-topshiriqlar. Masalan, "Shirxo'ra" so'zi qanday ma'noni anglatadi? Izohlang"; "Kuntug'mish o'g'illari ismlarining ma'nosini: Gurkiboy va Mohiboy so'zlarini nimani anglatadi? Sababini tushuntirib bering"; "Adabiyot daftariga shevaga oid so'zlarni yozib oling va ularni adapbiy tildagi shakkllari bilan taqqoslang"; "Doston matnidan hikmatli so'zlar, maqollar darajasidagi yoki ularga yaqin iboralarini toping. Ularning ma'nosini tushunturishga harakat qiling"; "Kuntug'mish asarda yana qaysi nom bilan eslanadi? va hokazolar shular jumlasidandir. Bunday savol-topshiriqlar o'zining mazmun-mohiyatiga ko'ra tilimizning lug'at boyligini sheva va adapbiy til munosabatlarini, atamalarga oid ma'lumotlarni mukammal o'zlashtirib olishni, dostondag'i epik qahramonlarning nomlariga muayyan munosabat bildirib mustaqil fikrlashni taqozo etadi.

3.Dostondag'i epik qahramonlarning nasl-nasabi, hayoti va faoliyati, muayyan hatti-harakatlari va fazilatlariga daxldor savol-topshiriqlar. Masalan, "Xolbeka kimning farzandi? Uning kamolga yetguncha bo'lgan hayotini gapirib bering?"; "Kuntug'mish o'n to'rt yoshgacha nimalar bilan shug'ullandi, o'n to'rt yoshdan so'ng qaysi amallarni egalladi?"; "Kuntug'mish va Xolbeka g'ayritabiyy sharoitda (tushda) tanishdilar. Shunga o'xshash holatlarni (tush, ko'zgu, uzuk orqali tanishish) yana qaysi dostonlarda uchratgansiz?"; "Zangar shahri podshohi Xolbekaga oshiq bo'lib, o'z niyatiga yetishish uchun qanday choralar ko'rdi?", "Qosim Kuntug'mishni saqlab qolish uchun qanday chora ko'rdi?"; "Azbarxo'ja Kuntug'mishni halok qilish uchun qanday hiyla ishlatdi?"; "Dostondag'i qahramolarning qaysi sifatlaridan ibrat olish mumkin deb o'ylaysiz?" va boshqalar shular jumlasiga kiradi. Bu tipdag'i savol-topshiriqlarda epik qahramonlarning nasl -nasabi, hatti-harakatidagi ijobiy va salbiy jihatlarga ko'proq e'tibor berilishi adapbiy ta'limdagi umumididaktik talablardan tashqari, yana ma'naviy kamoloti bilan bog'liq tarbiyaviy maqsadini ham nazarda tutganligini ko'rsatadi. Bularning hammasi dostondag'i epik qahramonlar harakteri, hatti-harakatini tahlil qilishga, ularning syujet tavfsilotlaridagi o'rni va rolini aniqlashga muhimi, o'zaro munosabatlarni dalillash uchun tegishli xulosalar chiqarishga undaydi.

Tadqiqotda qo'yilganim muammo yuzasidan olib borilgan tajriba-sinov ishlari savol-topshiriqlarning xaddan tashqari maydalashtirilib yuborilishi dostonlarni o'rganishga bag'ishlangan o'quv mashg'ulotlarning biroz zerikarli bo'lishiga va eng muhimi, o'quvchilar faolligining nisbatan sustligiga olib kelishini ko'rsatdi. Ayni pedagogik muammo (hol) o'quvchilarni qo'yilgan asosiy masaladan chalg'itishga olib kelishi mumkin. Nazarimizda, dostonlarni o'rganish bo'yicha tuzilgan savol-topshiriqlarning maydalashtirilishi o'quv dasturida belgilangan dostonlarni o'rganishiga ajratilgan vaqt miqdori, ya'ni o'quv soati yanada oshirilganida ham uni to'la- to'kis bajarish imkoniyotini yo'qqa chiqaradi. Qolaversa , savol-topshiriqlarning o'zaro bir-biriga bog'langanligi sababli ularni o'quvchilarga tanlab tasviya qilishning ham iloji bo'lmaydi. Bunday hollarda adapbiy o'qituvchisi o'zi dars o'tayotgan sinfini yangi pedagogik texnologiyalar asosida kichik guruhlarga ajratib savol-topshiriqlarni taqsimlashi mumkin va ularni o'zi umumlashtirgani ma'qul.

Savol-topshiriqlarning ko'p miqdordaligi muayyan dostoniga bag'ishlangan o'quv mashg'ulotidan unga ajratilgan vaqt miqdorida qo'yilgan maqsadga ko'ra unumli va samarali foydalanishga imkon bermaydi. Bu esa o'quv mashg'uloti rejasida ko'rsatilgan ayrim muhim masalalar o'z yechimini topmasligiga sabab bo'ladi. Shuningdek, savol-topshiriqlarning an'anaviy so'rovnomalar shaklida "ha" yoki "yo'q", "yaxshi" yoki "yomon" tarzida javob berishiga mo'ljallab tuzulishi ham ilmiy-metodik jihatdan o'zini mutlaqo oqlamaydi. Masalan, 7-sinfdag'i Ravshan dostoni yuzasidan tuzilgan 17-savol "Kallarning hunarlariga e'tibor bering. Ular xalqimizning timsoli bo'la oladimi?"; 21-savol: "Dostonda jang manzarasi qanday tasvirlangan?" kabi va shunga o'xshash savol-topshiriqlar bor-yo'g'i oddiy dialog nutqqa hosligi bilan xarakterlanadi, bularning hammasi doston matni bilan xabarsiz har bir o'quvchini sustkashlik bilan javob berishga olib kelishi tuyin. Oxir-oqibatda talab darajasida belgilangan bilimlarni o'quvchi o'z vaqtida o'zlashtira olmaydi

Yana bir oxirgi mulohaza: umumta'lim darsliklari berilgan ayrim savol-topshiriqlar mazmun-mohiyati jihatidan bir-birini takrorlagan, ayrim hollarda bir-biriga yaqin bo'lib qolgan. Buni "Doston haqidagi maqolalar ruknida kuzatamiz. "Doston va uning turlari" bilan bog'liq nazariy ma'lumotlar ham darsliklarda u yoki bu tarzda takrorlangan. Bizning nazarimizda, bunday taklif va mulohazalar darslikning mualliflari tomonidan qayta nashrlarida tuzatiladi va to'ldiriladi.

Xulosa qilib aytganda, umumta'lim mакtablari asosida o'quvchilarning xalq dostonlarini o'rganishda ilmiylik, fanlararo bog'liqlik, tizimlilik va boshqa ta'limiy-didaktik tamoyillarning o'rni beqiyos.

1. Yo'ldoshev Q. va b. Adabiyot. Umumiy o'rta ta'lim maktabjarining 7-sinfi uchun darslik majmua. T.-2017. – Б.132-160.
2. Olim S. va b. Adabiyot. Umumiy o'rta ta'lim maktabjarining 8-sinfi uchun darslik majmua. T.-2019. – Б.13-40.